

A *rubá*

A *ntaño*



Cu e foto aki aki di Teatro De Veer ta hiba nos memoria na un parti di Aruba Antaño. Un lugar cu tabatin varios destino, primeramente construi pa un meta cultural. Pero ora cu Aruba tambe a forma parti den preparacion militar debi na e invasion di e alemannan riba Hulanda. E edificio aki a bira eetzaal (comedor) di e schutternan, y finalmente a bira Teatro De Veer (foto). Y ainda a bini un destinacion nobo mas cual ta e sitio converti despues di e doble sala di cine pa un casino di Sonesta.

E Teatro De Veer no a ser inaugura cu e propaganda 24 sheet cu tin na banda di dje, sino dor di un pelicula cual titulo tabata "Humeresque" protagoniza pa John Garfield. Teatro Rialto tempo di su prome propietario Arturo Arends (q.e.p.d.) a ser inaugura cu e pelicula "Anthony Adverse" protagonizá pa Frederich March. Teatro Gloria cu a kima dos biaha ta esun cu a introduci e entrada barata di enganche, 'dos persona cu un solo ticket, y e pelicula cu mas placa a produci den Teatro Gloria tabata "Jalisco Nunca Pierde". Cos sa cambia, pero recuerdos ta keda!